

P R Æ F A T I O.

stitueram, sed tantum *Eusebium* & *Hieronymum*, quàm emendatissimos dare. Dum autem hisce incumberem, jamque Editio inchoata esset, intellexi latere alicubi *Eusebii* Græcum Exemplar in Anglia, cum id citet *Eduardus Bernardus*, vir doctissimus, in notis ad *Josephum*. Si hoc citius rescivissem, conatus essem ejus Codicis collationem nancisci. Sed jam serum erat. Itaque hoc à viro quopiam erudito, & otio abundante, quales non desunt in Anglicanis Aca-
demiis, expectabimus.

Præterea monere nos necesse est nonnihil à nobis mutatum esse ordinem Bonfrerianum. Nam sola additamenta viri docti, longioribus versibus descripta, ut facile distingui queant, intertextu *Eusebio* & *Hieronymo* reliquimus; sed notas in *Hieronymum* singulis paginis subjecimus, quæ dispositio commodior & elegantior multò est, quam ea quæ fuit Bonfrerianæ Editionis. Speramus etiam omnia non solum elegantius sed & accuratius edita esse compertum iri; nam in hac urbe non editur hoc opus, nec specimina ejus ulla vidimus, nec jam edita legere vacabat, gravioribus impeditis. Ad calcem addidimus etiam, monitu viri reverendi, descriptionem Terræ Sanctæ *Brocardi* Monachi, de qua in Præfatione ad *Sansonem* diximus. Desumpta est ex *Novo Orbe Simonis Grynai*, edito olim Basileæ anno MDLV. quem idem vir eruditus ex sua Bibliotheca suppeditavit. Hæc erant, quæ monenda hîc putabam. Vale, LECTOR, & laboribus nostris fave.

Dabam Amstelodami Idibus Junii anni MDCCIV.